

LA
SIBILLE

FRANÇOISE, OV DER-
NIERE REMONSTRANCE
au Roy.

OV SONT BRIEFVEMENT
*discouruës les plus importantes raisons, qui
peuvent mouuoir sa Maiesté à se resoudre
sur le reſtabliſſement des Ieſuiſtes.*

A VILLE-FRANCHE,

M. D C. II.

LIBRARY

OF THE

NEWBERRY

LIBRARY

Case
F

39

THE NEWBERRY
LIBRARY

326

1602c

LIBRARY

LA SIBILLE

FRANCOISE, OV DER-
niere Remonſtrance au Roy.

*Où ſont briefuement discourûes les plus importâtes
raisons qui peuuent mouuoir ſa Maieſté à ſe
reſoudre ſur le reſtabliſſement des Ieſuiſtes.*

G Rād Roy qui pour loyer d'vne inſigne vail-
lance

Portez l'Auguſte nom de fauueur de la Frā-
Pour auoir courageux parmi tant de danger (ce,
Preſerue cet eſtat des mains de l'eſtranger :
Preſtez à ce beſoin l'oreille pour entendre
Les cris qu'aux bōs Frāçois la crainte fait reſpādre,
En vous voyant preſſé par maint & maint flateur
De remettre à Paris l'eſcadron maſſacreur
Des Princes & des Rois, ceſte maudite race,
De la ſecte deſquels fuſt autheur vn Ignace
Vaſſal de vos ayeuls, & rebelle à leurs loix
Et, ſi iamais l'amour de tant de bons Frāçois:
Peut rien en voſtre endroit, voſtre ame ſoit attainte
Des lugubres accents de leur dolente plainte,
Pour ne les r'apeller, eux qui ont maſſacre
Voſtre predeceſſeur du ſainct huile ſacré,
Prince qui ſagement guidoit la republique,
Zelateur tresdeuot de la foy Catholique.
Vous mon Prince defunct, de qui ces aſſaſſins

Ont par leurs trahisons auancé les destins,
Inspirez moy d'enhaut vostre docte eloquence:
Faites tant que ma voix s'etende par la France,
Descouurez moy du ciel ces rouges flots de sang,
Que ces tigres ont faict couler de vostre flanc,
Flanc que d'un Patagon la dextre sanguinaire
N'auroit iamais percé de sa lame meurtriere:
Guidez donques ma plume, articulez ma voix,
Pour grauer cest outrage au cœur de vos François,
Qui par trop asseruis à la cour Vaticane,
Ont presque ruiné l'Eglise Gallicane,
Perdu ses libertez, tollerant parmi nous
Ces monstres plus cruels que les ours ny les loups.

Monarque des François, le Prince qui desire
Que ses enfans vn iour heritent son Empire,
Se doit garder sur tout que dedans son estat
N'aye des partisans quelque autre potentat:
Or Sire ces Iudas que vostre cour supreme
A chassés de Paris pour leur malice extreme
Ont l'ame Castillane, & n'ont d'autre desseins
Qu'arracher des François le sceptre de vos mains,
Pour embellir vn iour des fleurs de lis dorées
Du Prince de Madril les armes bigarées,
Et faire quant & quant que du Roy Gallican
Le Sceptre soit subiect au foudre Vatican.

Sire, les ennemis de l'heur de vostre France,
Pour vous rendre du tout vuide de fiance,
Vous vont representant que vostre Maiesté
Est si bien à present avec sa sainteté,
Et que d'ailleurs le Roy qui commande à l'Ibere
Est vostre bon voisin, vostre ami, vostre frere.

Posons qu'il soit ainsi: pourtant souuenez-vous

Lors que telles raisons ils chantent deuant vous,
Si Philippe defunct, n'estoit aussi le frere
De nostre Roy deffunct, que ceste ame meurtriere,
Que ce diable encharné, ce mal-heureux Clement!
N'assassina iamais sans son consentement:
Et s'ils pourront d'ailleurs vous donner assurance
Que les Papes tousiours aimeront vostre France,
Veu que ces beaux docteurs leurs intimes amis
Veulent que vostre estat au Pape soit soumis,
Sapans les fondemens de vostre republique,
Auec les libertez de l'Eglise Gallique.

Du temps du grād Francois, & du dernier Louys
Ces blasphemés hideux ne furent onc ouïs,
Et qui les eut osé proferer d'auanture
N'auroit il pas esté des corbeaux la pasture?
Aussi leur regne fust & durable & heureux,
Et mourans chargez d'ans s'enuolèrent és cieux,
Laisans à leurs nepueux paisible la Couronne,
Qui apres tant d'ennuis vostre chef environne:
Ce qu'ils n'auroient pas peu si semblables erreurs
Eussent de vos subiects vn coup saisi les cœurs,
Mais las! que dis je erreurs, ains plustost frenesies
Lasches deuoyemens, fureurs, & heresies.

Sire, on vous dit d'ailleurs que ces hommes icy,
Les lettres & les arts ont beaucoup esclaricy,
Que la religion leur est fort redeuable,
Pour auoir secouru en vn temps miserable
L'Eglise que Luter, & Zuingle, & Calvin
Auoient presque enyuré d'un heretique vin,
Et qu'ils sont d'abondās fort bons pour la ieunesse,
Qu'ils enseignēt pour riē avec beaucoup d'adresse.

Sire, auant que leur nom en France fust cognu

L'Eglise Gallicane auoit bien soustenu
 Le choc des Huguenots, & les lettres fleurirent
 Tant qu'Henry le second, & son Pere vesquirent:
 N'aguere on vid plusieurs es vniuersitez
 Plus entendus qu'eux tous en toutes facultez,
 L'honneur desquels encor flambe dessus Parnasse
 Qui n'entrèrent iamais en l'escole d'Ignace :
 Gerson, Gaze, Pontan, Linacre, Calepin,
 Clitouée, Faber, Titelman, & Pagnin
 Mantuan, Sannasar, le Comte de Mirande,
 Erasme le Soleil de la terre Flamende,
 Reuclin, Valle, Viués, Antesignan, Clenard :
 Picard, Saintes, Muret, Lindan, & Genebrard,
 Budée, Passerat & Talee, Fince
 Fernel: Silues, Hollier, Rabelais, Chassanee
 Tiraqueau, Duaren, Cujas, & du Moulin
 Conan, Fernaud, Rebuffe, Alciat, & Boudin,
 Daurat, Lambin, Pibrac, Amiot, Viginair
 Desportes, & Garnier, & Ronsard qui esclaire
 D'un honneur nompareille terroir Vandomois,
 Et tire d'Ilion le tige de nos Roys,
 Et mile & mile encor desquels la renommée
 Reluit dessus ce mont en astres allumée,
 Admirables esprits qui tous ont merité
 D'estre presque adorez par la posterité,
 Pour leurs doctes escrits, qu'en escrits & en chaire
 Ceux-cy vont tronçonant d'une main plagiaire :
 Sans ceux-là ie viens à placer en ce lieu,
 Qui d'un culte diuers au nostre, seruent Dieu,
 Pour s'estre sequestrez de l'Eglise Romaine,
 Beze, Vermil, Vrsin, & l'un, & l'autre Estienne,
 Zanche, Serres, Kemnit, Chandieu, Dâneau, Mer-
 cier,

Melancton, Vvitacker, Constantin, Cheualier
Du Ion, Tremel, Merlin, Munster, Sibrād, Aresse,
Scaliger, Godefroy, Port l'honneur de la Grece,
La Ramée, Hotoman, Pacius, & Coras,
Rondelet, Bucanan, le Plessis, le Bartas
Gens qui sans ce defect n'ont manqué de merite,
Et passent en sçauoir la tourbe Loyolite,
En laquelle on ne voit que Caffars & Pedans,
Insolens pleins de fast & sur tout impudens,
Auxquels en vostre estat rien n'a donné creance
Que d'une pieté l'hypocrite apparence,
Le nom trop arrogant de leur sodalité,
Et du simple chrestien la partialité,
Ils trenchent des sçauans sur tout en la Logique
Pour sçauoir seulement quelque trait Sophistique,
Leurs disciples aussi s'en rendent arrogans
Des qu'ils en ont aprins les simples rudimens:
Et se voit rarement qu'un personnage excelle
En quelque faculté nourri en leur sequelle:
Où s'il le fait c'est bien qu'un bon entendement
Surmonte le defect de leur enseignement,
Cela se prouuerait par claire experience
Quand on visiteroit les escoles de France:
Où les Antecessors qui restent des fameux
Ont puisé le sçauoir autre part que chez eux,
De fait depuis qu'ils ont par flateuses paroles
Sceu trouuer le moyen d'empieter nos escholes:
Tout est abastardi le sçauoir etteint
Des lettres nous n'auons presque le premier teint:
Des fructs entrecueillis ces arbres nous produisent
Et le plus grand profit qui vient de ce qui lisent,
Est d'auoir sceu grauer en l'ame des François

qu'on doit comme Tirans assassiner les Rois,
 qui ne voudront tenir leurs estats du Conclau,
 De l'Euesque Romain qui souuent est esclau,
 Et contraint obeit au prince Castillan,
 qui luy donne la loy par Sicile & Milan,
 qui peut par les thresors des Indes & du Tage
 De tous les Cardinaux acquerir le suffrage,
 Ainsi obliquement le Monarque Gaulois
 Du Roy des Castillans deura prendre les Loix.

Faites donc o grand Roy qu'une telle vermine
 Aille à vos ennemis enseigner sa doctrine:
 Et leur profite, ainsi serons nous enuieux.
 que de ceste façon ils les rendent heureux,
 Car tant qu'ils obtiendront ces maximes damnables,
 Ils doiuent estre à vous, & à nous detestables:
 A vous qui ne tenés le sceptre que de Dieu,
 A nous qui ne pourrons si leur doctrine à lieu:
 Voir guiere plus long temps fleurir la loy Salique
 Le seur Palladion de nostre republique.
 quand vn Pape Espagnol nos Rois degradera,
 Et aux Roys de Castille afferuir nous voudra.

Grand Roy: pesés cecy remetez en memoire
 que seul Roy vous portez la couronne de gloire
 Autour de vostre chef, contre qui ces mutins
 Pour retarder le cours de vos heureux destins,
 Felons brassent tousiours mainte & mainte entre-
 prise,

qui ne vous croyent point fils aîné del'Eglise,
 Vous estiment Tyran, qui dedans vostre cœur
 Couuez ce disent ils vostre premiere erreur:
 Et que le diademe entoure vostre teste
 Tant seulemēt depuis que vostre paix fust faite,

Auec le Pere sainct, & que sa saincteté
Oütroie le Pardon à vostre Maieſté.

Ainsi tant de François qui cōtent és histoires
Treze ans de vostre regne, en chantāt vos victoires,
A leur contene sont qu'autant de charlatans
Escriuains imposteurs qui nous flatent au temps:
Et mesme vos Edicts faicts durant ces quereles,
Qui portent le pardon de tant d'ames rebelles,
Ne sont Edicts Royaux, sont sans autorité
Venant d'un qui n'auoit pour l'ors la royauté,
D'un qui Tirant auoit la Couronne vsurpee,
Et n'auoit pour tout droit, que le droit de l'espee,
Lequel le Pere sainct de Tiran a faict Roy
Lors qu'il le vit vainqueur se prosterner à foy

Ils ont beau prosterner dans leur hūble requeste
Que de ce qui s'est fait durant ceste tempeste,
Qui cruelle eut sans vous submergé cet estat,
Ils sont bien desplaisants: que mesme l'attentat:
Du monstre qui nourri dans leur secte damnable,
Fit forger en Enfer le cousteau detestable,
Dont parricide il vint vostre leure percer,
Fust fait à leur desceu, ils ont beau surhauffer,
Par des mots recherchez vostre rare vaillance,
Et flateurs exalter vostre douce Clemence,
C'est pour mieux vous piper, les hommes plus
mauuais,

Ont les mots les pl^r doux: au pris d'eux vous n'avez,
Rien de si volontaire, & rien de plus capable
D'auancer del'estat la cheute deplorable:
Posons qu'ils soient scauans, plus feront - ils de
maux,

Qu'ils enseignér pour rien: les fonds & les ioyaux:

Qu'ils ont à vos subiects caudemēt sceu soustraire
 Depuis trente cinq ans monstrent bien du contraire
 Mais quoy! qu'enseignent ils? qu'on peut tuer nos
 Roys?

Et que de vostre estat les statuts, & les Loix
 Ne font qu'autant d'abus, ils plantent en Gascogne
 Au cœur des ieunes gens le los de Cataloigne:
 Ils ont vrais Espagnols par leurs Inquisiteurs
 Censuré la Sorbone, & ses plus grands docteurs,
 D'ailleurs, ne sçait-on pas qu'ils ont vrais plagiaires
 Volé plusieurs enfans d'entre les mains des peres,
 Et les ont aveuglés en leur sodalité,
 Pour auoir leurs moyens malgré leur volonté,
 Les ayans relegués en l'Inde Occidentale,
 Pour là perdre l'amour de leur terre Natale:
 Les peres cependant tristes & chargez d'ans
 Ont terminé leurs iours leur perte lamentans,
 Ayant en est tesmoins, qui sacre à la memoire
 D'un acte si vilain la deplorable histoire,
 Et mil, autres encor ausquels durant nos iours
 Ces beaux religieux ont iouï de tels tours.
 Quoy? SIRE pouuez vous sortir de vostre Louure
 Pour voir vostre Palais qu'à vous ne se descouure
 L'image de Brisson, cet homme si fameux,
 Seduit par ces pipeurs, & massacré par eux:
 L'ombre de Duranti, ce rare personnage,
 Le premier ornement du Senat Tecolage:
 D'aphis vostre Aduocat qui sentit leur fureur,
 Pour auoir bien serui vostre predecesseur.
 Voila, Sire, les fruiçts de ceste compagnie,
 N'est-elle pas vtile à vostre Monarchie?
 Sans doute ils nous rendront pleins de felicité

9
- Si l'on peut estre heureux estant sans liberté,
Et si le vray François peut oublier la France,
Et lasche supporter l'Espagnole arrogance:
Mais outre leurs beaux faicts, considerez leurs
vœux

Tels qu'ils sont ne sçauroient en France estre receus
Eux qui tant seulement releuent du saint Pere,
Or par raisons d'esta: nous tenons du contraire:
Qu'en France aucun ne peut auoir droict de cité
S'il n'a premierement iuré fidelité,
Au Roy des fleurs de lis, & de ne recognoistre
Ici bas apres Dieu autre que luy pour maistre:
Ils font vœu d'obeir en tout au General
De leur société, soit en bien soit en mal:
Sans s'esnouuoir de rien aussi peu qu'une souche
De mesme que si Christ leur parloit par sa bouche:
Remarquez d'abondant que tous leurs Generaux
Ont esté iusqu'icy del'Espagne vassaux.
Et tousiours le seront qui tascheront d'accroistre
Le pouuoir de leur prince & du pape leur maistre,
Auecques'il vous faut iamaïs rien desmeler
Ne doutez las! la peur, la peur me fait parler
Qu'ils ne trouvent trop tost vne main assassine,
Qui rende du Dauphin la ieunesse orpheline:
Et face que soyez le dernier de nos Rois.

En vain donques en vain, tât & tant de François,
S'atendent voir vn iour la terre Milanoise,
Reconquise par vous & rendue Francoise:
Sicile recouuerte & le fameux coupeau
qui couure les Titans & leur sert de tombeau,
Et que le Castillan vaincu par vostre espee,
Soit contraint vous quitter la Nauarre occupee.

Le terroir du Brazil, auquel Vilegagnon
 D'un de vos deuanciers planta iadis le nom:
 R'appelant ces meurtriers vostre espee guerriere,
 N'ira iamais si loin estendre sa rontiere,
 Leurs pestilens escrits, leurs predications
 Et le secret venin de leurs confessions:
 Sçaurõt biẽ engourdir les bras de vos gensdarmes,
 Et faire reboucher la pointe de vos armes.

Si doncques vous aimés cet enfant que les cieux
 Benins vous ont donné, si estés desireux,
 Qu'il puisse quelque iour regner en ceste France,
 Pour Dieu redonnez luy ceste mesme puissance,
 Et la mesme splendeur qu'elle souloit auoir
 Quand vos peuples n'auoient forligné du deuoir,
 Lors qu'ils n'auoiẽt encor gousté ceste doctrine
 Qu'un Roy deuit redouter l'alumele assassine:
 Les mandats de Tarpee & que le Pape peut
 Deposseder nos Roys lors que faire il le veut.

Sire vous le ferez gardant que ceste secte
 De son mortel venin plus de peuple n'infecte,
 Ne leur permettant plus de viure parmi nous,
 Ainsi pourrons nous bien voir vn iour apres vous,
 Cet enfant posseder en paix ceste couronne
 Sans craindre les efforts de la tourbe felone:
 De tous vos ennemis qui viendront par dehors
 Dont nos armes pourront rendre vains les efforts.

Mais si l'ire du ciel qui vostre estat menace
 Permet que ces meurtriers y puissent auoir place,
 Tenez pour tout certain qu'une sedition
 Aura bien tost reduit ceste grand' nation:
 Sur le point de se voir d'Espagne tributaire
 Quand nous aurons vn Pape à la France contraire,

Lors que de longue main ils auront disposez
 Vos subiects aux desseins qu'ils se sont proposez,
 Ainsi qu'en Portugal, dont ils ont la prouince
 Soubmise à l'Espagnol & fait perdre le Prince.

Destourne ce mal heur bon Dieu qui tant de fois
 Sous tō aïlle as couuett nostre France & ses Roys,
 Qui as douze cens ans gardé sa monarchie,
 Sans que deffous son ioug l'estranger l'ait flechie,
 Et fay naistre d'enhart dans le cœur de son Roy
 Vn aduis salutaire & pour elle & pour foy.

Vous Royne que le ciel à nos vœus fauorable
 A iointe à nostre HENRY d'un nœud inseparable
 Fermez, fermez l'oreille & n'allez escoutant,
 La vois de ces pipeurs qui vous cajolent tant:
 Qui par vostre moyen pensant r'entrer en France
 Pour y faire germer la maudite semence,
 De leurs pesteux desseins pour meurtrir vostre es-
 poux

Ruiner vostre fils, & vostre France & vous.

Et toy Royal enfant qui as par ta naissance
 Au cœur des bons François fait naistre l'esperance,
 De voir durant nos iours luire vn siecle doré
 Et cet antique estat pour iamais asseuré,
 Contre tous les efforts de l'Espagne ennemie
 Verras-tu d'un œil sec ceux qui cherchent la vie,
 De ton grand geniteur de ta Mere & de toy!
 Qui traistres se couurans du manteau de la foy,
 Afin de s'establir machinent ta ruine
 Ne crieras tu point d'une voix enfantie?
 Pour animer ton Pere & luy faire sentir
 Que du tort qu'on te fait il se doit ressentir,
 Puis que son doux genie a oublié Barriere,

Et du traistre Chastel l'alumele meurtriere,
 Les escrits de Guignard qui monstroient dans Paris
 Que qui le tueroit gagneroit Paradis:
 Varade & Commelet qui croyent en leurs Chaires
 Qu'il falloit pour mener à bon port les affaires,
 Leur auoir vn Ahod, n'importoit fust soldat,
 Ou bien Religieux, ou bien simple goujat:
 Qu'il falloit vn Ahod dont la main heroïque
 Pour estouffer du tout le party politique,
 Massacrat ce relaps Iesuitiquement
 Et fust imitateur de saint Iaques Clement.

Et toy grand parlement oracle de Iustice
 Voy quel affront t'est fait s'il faut qu'on affoiblisse,
 Tes arrests les plus saints des voisins reuerrez,
 Par lesquels de ton Roy les ennemis iurez,
 Sont banis à bon droit de tout l'estendüe
 Des pays ou d'Henry l'espee est recognüe,
 Arrests du saint Esprit presidant parmi toy,
 Pour maintenir l'estat ta splendeur & ton Roy,
 Duquel les rapelant on hazardé la vie,
 Et par mesme moyen on t'expose à l'ennie,
 De tous ces assassins & des seze voleurs
 Que sçauront reestablir vn iour ces massacreurs:
 Mais puis que des destins la force ineuitable
 Veut remettre entre nous l'engence abominable
 De ces meurtriers de Roys, bon Dieu que ferons
 nous,

Afin qu'en vostre endroit ils serendēt plus doux.

Le marbre elabouré de ceste pyramide
 Qui porte en lettre d'or graué le parricide,
 De leur chernourriçon, & leur bannissement

Soit lors qu'ils reuiendront mise à bas promptement,

Que dis ie mise à bas? l'Espagnole arrogance
 Quand bien elle tiendrait deffous les pieds la Frâce,
 Feroit-elle bien pis grand Roy souffriras tu
 Que cet arrest si sainct soit sans force & vertu?
 Comme il sera s'il faut que ce marbre on abate:
 Dont ta cour aussi tost peut quitter l'escarlate,
 Et le laisser debout, c'est monstrier en effect
 R'appellant ces meurtriers iniuste cet arrest,
 Arrest qui t'a gardé la couronne & la vie
 He! si l'on voit iamais ta personne assaillie,
 Par quelque autre assassin qui brasle ton trespas
 A qui te plaindras-tu? ta Cour n'osera pas
 De peur d'un des-adueu punir ce parricide,
 Le front luy blefmira, ô genereux Alcide:
 Rare honneur de nos Roys, ne souffre qu'à ce iour
 On foule aux pieds ta force & l'honneur de ta Cour
 Et que ceux qui n'ont peu te vaincre par les armes
 Ni par les trahisons, te vainquent par les larmes:
 T'épeschent d'escouter des bons François les cris,
 Amortissent l'amour que tu dois à ton fils,
 A ta femme, à l'estat, qu'avec tant de courage,
 Tu as ja tant de fois garanti du naufrage.

Non, non ce Dieu qui t'a par sa dextre sauué,
 De tant de trahisons, & au Throsne esleué,
 Benin t'assistera, pour d'un mesme courage
 Resister prudemment à l'affeté langage:
 De tous ces affronteurs qui te parlent si doux
 Pour trouuer le moyen de r'entrer parmy nous,
 Pournous perdre avec toy: qui d'un masque hypocrite

Traitres vont de sguifans leur volonté maudite,
 Lors tous les bons François ce grand Dieu beniront,
 Et de vœus solemnels les autels chargeront,
 Et de nos deuanciers les âmes bien-heureuses
 Qui verserent leur sang sur les plaines poudreuses,
 Par qui fust maint pays par le fer deserte,
 Ayans passé les monts pour nostre liberté,
 Oyans conter au ciel ces ioyeuses nouuelles
 Te rendront tous ravis louanges immortelles:
 De t'auoir fait régner pour sauuer cet estat
 Des assauts de Bellone & tout autre attentat.

Que si des importuns l'imposteur artifice
 Fait tant que ces meurtriers en Frâce on restablisse,
 Pour le moins nos nepueux cognoistront quel-
 quesfois.

Qu'un Gascon discourant sur l'estat des François,
 Prophete à sceu preuoir & trop à vray predire
 Le malheur qui deuoit ruiner cet Empire.

M. Cassandre.